



**Republika e Kosovës**  
**Republika Kosova – Republic of Kosovo**  
**ORGANI SHQYRTUES I PROKURIMIT**  
**TELO ZA RAZMATRANJE NABAVKE**  
**PROCUREMENT REVIEW BODY**



---

Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë  
Tel: 383 38 312 309 email: [oshp@rks-gov.net](mailto:oshp@rks-gov.net)

**OSHP: 2023/1023**  
**Data e Vendimit: 26.12.2023**

Në bazë të nenit 105 pika 1 dhe 2, të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, i plotësuar dhe ndryshuar me Ligjin 05/L-068, i plotësuar dhe ndryshuar me Ligjin 05/L-092, pas shqyrtimit të ankesës së Operatorit Ekonomik “High - Tech Solution” Sh.P.K., lidhur me aktivitetin e prokurimit “Furnizim i materialit të shtypur” me numër të prokurimit nema-23-13324-1-2-1, iniciuar nga autoriteti kontraktues (AK) – “Javno - Komunalno Produzece Ekologija D.D.”, Kryetarja e Organit Shqyrtues të Prokurimit Vjosa Gradinaj Mexhuani me 26/12/2023, mori këtë:

### **Vendim**

Hedhet si e palejuar, ankesa e “High - Tech Solution” Sh.P.K., me nr. të protokollit 2023/1024, e datës 18/12/2023, ankesë kjo e parashtruar për aktivitetin e prokurimit “Furnizim i materialit të shtypur”, me numër të prokurimit nema-23-13324-1-2-1, inicuar nga autoriteti kontraktues (AK) – “Javno - Komunalno Produzece Ekologija D.D.”.

I lejohet, autoritetit kontraktues – “Javno - Komunalno Produzece Ekologija D.D.”, që të vazhdojë më tutje me aktivitetin e prokurimit “Furnizim i materialit të shtypur”, me numër të prokurimit nema-23-13324-1-2-1, përkitazi me këtë ankesë, nëse nuk ka ndonjë ankesë tjetër për këtë aktivitet të prokurimit.

Në përputhje me nenin 31 pika 4, të Rregullores së Punës së OSHP-së, operatorit ekonomik ankues i kthehet tarifa e ankesës në shumën e deponuar me rastin e parashtrimin të ankesës. OE ankues obligohet që konform nenit 31 pika 6 të Rregullores së Punës së OSHP-së, në afat prej gjashtëdhjetë (60) ditësh të bëjë kërkesë për kthim të sigurimit të ankesës, në të kundërtën i bëhet konfiskimi i depozitës, dhe këto mjete kalojnë Buxhetin e Republikës së Kosovës.

## Arsyetim

### *-Faktet dhe rrethanat procedurale-*

Organi Shqyrtues i Prokurimit në sistemin elektronik me datë 18.12.2023, ka pranuar ankesën me Nr. Protokolli 1023/23 nga OE “High - Tech Solution” Sh.P.K., lidhur me aktivitetin e prokurimit me titull: “Furnizim i materialit të shtypur” me numër të prokurimit nema-23-13324-1-2-1, inicuar “Javno - Komunalno Produzece Ekologija D.D.”, në cilësinë e Autoriteti Kontraktues.

Me 27.11.2023, “Javno - Komunalno Produzece Ekologija D.D.”, në cilësinë e Autoritetit Kontraktues ka publikuar B05-Njoftimin për kontratë, ku sipas këtij njoftimi afati i fundit për dorëzimin e ofertave ka qenë data: 18/12/2023 ora 13:00.

OE “High - Tech Solution” Sh.P.K., me 13.12.2023 OE kishte bërë kërkesë për rishqyrtim pranë AK-së. Ndërsa me datë 15.12.2023 AK ka refuzuar kërkesën për rishqyrtim të operatorit ekonomik, me arsyetimin se ka parashtruar kërkesë për rishqyrtim me datë 13.12.2023 ora 15:15 h si të jashtafatshme.

*- Vlerësimi dhe administrimi i provave* – Nga provat e prezantuara vërtetohet se për aktivitetin e prokurimit “Furnizim i materialit të shtypur” me numër të prokurimit nema-23-13324-1-2-1, inicuar nga “Javno - Komunalno Produzece Ekologija D.D.”, njoftimi për kontratë është publikuar në sistemin e-prokurimi me datë 27.11.2023, afati i fundit për pranim të tenderëve ishte data 18.12.2023. Ndërsa me datë 13.12.2023 OE “High - Tech Solution” Sh.P.K., kishte bërë kërkesë për rishqyrtim pranë AK-së. Autoriteti Kontraktues me datën 15.12.2023 kishte refuzuar kërkesën për rishqyrtim të operatorit ekonomik.

Ankuesi ka qenë i obliguar që në pajtim me paragrafin 3.1 të nenit 108/A të LPP-së, brenda afateve ligjore të parashtrorë kërkesë për rishqyrtim në AK dhe vetëm pas udhëheqjes së procedurave paraprake në AK, Operatori ekonomik në pajtim me nenin 109 të LPP-së do të mund të drejtohet me ankesë OSHP-së. Neni 108/A paragrafi 3.1 i LPP-së përcakton se operatori ekonomik ankues kërkesën për rishqyrtim duhet të dorëzojë tek autoriteti përkatës kontraktues: *në qoftë se shkelja e supozuar ka të bëjë me njoftimin e kontratës ose me dokumentet e tenderit brenda pesë (5) ditëve para afatit të fundit për dorëzim të ofertave*. Po ashtu, edhe neni 60.1 pika a) në Rregulloren 001/2022 për Prokurim Publik përcakton se: *Kurdo që kërkesa për rishqyrtim ka të bëjë me njoftimin e kontratës ose me dokumentet e tenderit se paku pesë (5) ditë para afatit të fundit për dorëzim të ofertave. Në kalkulim të afateve kohore dita e dorëzimit të ofertave është dita (0)*. Andaj nga provat e prezantuara dhe rrjedha e këtij aktiviteti të prokurimit konstatohet se ankesa e parashtruar në Organin Shqyrtues të Prokurimit me datë 18/12/2023 nga OE “High - Tech Solution” Sh.P.K., për aktivitetin e prokurimit me titull: “Furnizim i materialit të shtypur” me numër të prokurimit nema-23-13324-1-2-1, inicuar nga “Javno - Komunalno Produzece Ekologija D.D.”. Po ashtu referuar interpretimit të KRPP-së të datës 07.11.2023 - 630/2023, i cili interpretim sqaron afatet ligjore për ankimim zyra ligjore konstaton se kjo ankesë hedhet si e pa lejuar sepse ankuesi nuk ka parashtruar kërkesën për rishqyrtim brenda afateve

ligjore kundër njoftimit të Autoritetit Kontraktues.

Andaj Organi Shqyrtues i Prokurimit sqaron se vetëm pas udhëheqjes së një procedure paraprake të rregullt dhe brenda afateve ligjore pranë AK, ankuesi mund ti drejtohet me ankesë OSHP-së. Si përfundim kjo ankesë është në kundërshtim me nenin 108/A, 109 dhe të Ligjit për Prokurim Publik, dhe nenit 60 të Rregullores 001/2022 për Prokurim Publik, dhe si e tillë hedhet si e palejuar dhe nuk hynë në shqyrtim nga OSHP. Megjithatë, OSHP gjithnjë nisat nga rregullat, zgjidhjet dhe parimet e LPP sipas të cilit secili AK ushtron pavarësinë e tij/sajë në kuptim të nenit 8 dhe 9 lidhur me planifikimin e prokurimit dhe parashikimin e nevojave, mirëpo kriteret e parapara gjithnjë duhet ta garantojnë barazinë e OE të cilët parashihen si të tillë edhe me DT e cila në kuptim të nenit 27, lidhur me nenin 28, përbën dokumentin kyç të prokurimit publik. Prandaj në kuptim të nenit Neni 51 (Njoftimi i Kritereve të Përzgjedhjes) të LPP, sipas të cilit të gjithë kriteret e përzgjedhjes duhet të kufizohen vetëm në kriteret e nevojshme për të siguruar se vetëm operatorët ekonomik që posedojnë aftësitë e nevojshme profesionale, financiare dhe teknike për ti përmbushur kushtet e kontratës përkatëse do të konsiderohen të kualifikuar për të marrë një kontratë të tillë ose për marrjen e ftesës për tenderim. Dhe se, në asnjë rast, autoriteti kontraktues nuk duhet që të përfshijë, saktësojë ose përdorë kritere të përzgjedhjes që bazohen në konsiderata të tjera përveç atyre të lejuara nga dispozitat e neneve 65-70 të këtij ligji. Andaj Paneli Shqyrtues i vë në dijeni AK se në çdo aktivitet duhet të veprojnë konform dispozitave dhe autorizimeve ligjore siç parashihen ato me nenet 1,6,7,24,2,27,28,51,59,60, 69 të LPP.

Autoritetit kontraktues – “Javno - Komunalno Produzece Ekologija D.D.”, mund të vazhdojë më tutje me aktivitetin e prokurimit “Furnizim i materialit të shtypur” me numër të prokurimit nema-23-13324-1-2-1, përkitazi me këtë ankesë, nëse nuk ka ndonjë ankesë tjetër për këtë aktivitet të prokurimit. Organi Shqyrtues i Prokurimit i vë në dijeni se në çdo aktivitet AK duhet të veprojnë konform dispozitave dhe autorizimeve ligjore siç përcaktohen me nenin 1, 6, 7, 27, 28, 59, 60 dhe 65 të LPP-së.

Meqenëse ankesa e parashtruar hedhet si e palejuar duke mos hyr në shqyrtim në përputhje me nenin 31 pika 4, të Rregullores së Punës së OSHP-së, operatorit ekonomik ankues i kthehet tarifa e ankesës në shumën e deponuar me rastin e parashtrimin të ankesës. OE ankues obligohet që konform nenit 31 pika 6 të Rregullores së Punës së OSHP-së, në afat prej gjashtëdhjetë (60) ditësh të bëjë kërkesë për kthim të sigurimit të ankesës, në të kundërtën i bëhet konfiskimi i depozitës, dhe këto mjete kalojnë Buxhetin e Republikës së Kosovës.

Kryetarja e OSHP-së, duke u bazuar në atë që u tha si më lartë, vendosi si në dispozitiv të këtij vendimi.



**Vjosa Gradinaj**  
Kryetare e OSHP-së

**Këshillë juridike:**

**Këshillë juridike:**

Kundër këtij vendimi nuk është e lejuar ankesa, por pala e pakënaqur me kërkesëpadi mund t'i drejtohet Gjykatës Komerciale - Departamentit për çështje Administrative për anulim vendimi në afat prej 30 ditësh nga data e pranimi të vendimit.

**Vendimi t'i dorëzohet:**

- **AK - JAVNO - KOMUNALNO PRODUZECE EKOLOGIJA D.D.**
- **OE - " HIGH - TECH SOLUTION " SH.P.K.**
- Arkivës së OSHP-së: